

triginta tribus mansionibus, in Valle Sorana ecclesiam sanctae Brigidae, in episcopatu Verulano haereditatem quae fuit Maydulchae, et duos rusticos, in Ceperano ecclesiam sanctae Luciae, ecclesiam sancti Petri, ecclesiam sancti Nicolai et quinque rusticos, in Falueteria ecclesiam sancti Nicolai, in ciuitate Alatrina haereditatem quae fuit dominae¹ Ringardae, et ecclesiam in honore beati Dominici aedificatam, in Treuellano haereditatem quae fuit Mariae Rubeae, in Valle sancti Laurentii ecclesiam sancti Marci, in oppido quod dicitur Sancti Stephani ecclesiam sancti Saluatoris, in comitatu Marsicano ecclesiam sancti Rufini, ecclesiam sancti Nicolai, fundum in regione Furfii et quinque giratas, in confinio monasterii fundum de Canneto et Aleueto, fundos intra flumina, fundum Sambuceti et Montem Foruli, fundum de Asdeto, fundum Graniani, fundum Widerani et fundos Castaneti, in Sora mansiones triginta quinque, in loco qui dicitur Cancelli unum molendinum et unum montanum, in Insula mansiones quadraginta quinque et sex molen- dina, in castello de Sclau haereditatem quae fuit Oddonis archi- presbiteri, in castello de Brocco fundos duos, in Arpino fundos tres et in Monte sancti Ioannis haereditatem Benedicti Pizzi. Crisma uero, oleum sanctum, consecrationes altarium seu basili- carum, ordinationes clericorum seu monachorum, qui ad sacros ordines fuerint promouendi, a diocesano suscipietis episcopo, siqui- dem catholicus fuerit et gratiam atque communionem apostolicae sedis habuerit et ea uobis gratis ac sine prauitate aliqua uoluerit exhibere; alioquin liceat uobis quemcumque² malueritis catholicum adire antistitem gratiam atque communionem apostolicae sedis habentem, qui nostra fultus auctoritate³ uobis quod postulatur impendat. Hoc quoque capitulo praesenti subiungimus, ut caeno- bium ipsum et eius monachi ab omni seruitii saecularis sint in- festatione securi omnique grauamine mundanae oppressionis remoto in sanctae religionis obseruatione seduli permaneant et quieti. Ad haec etiam inhibemus, ne ullus episcopus uel alia quaelibet per- sona, nisi a nobis fuerit inuitatus, in uestro monasterio missam celebrare, conuentus publicos conuocare, causas seu alia negocia pertractare praesumat, nisi Romani pontificis uel eius legati super hoc mandatum receperit. Sepulturam praeterea ipsius loci liberam esse decernimus, ut eorum deuotioni et extremae uoluntati qui⁴ se illic⁵ sepeliri deliberauerint, nisi forte excommunicati uel inter-

¹) d.²) quemcumque quem.³) auctoritate.⁴) qui *fehlt*.⁵) illis.